

佛說阿難問事佛吉凶經

思

後漢安惠國歲安世高譯

阿難說聞如是阿難白佛言有人事
佛得富貴諸偶者有衰耗不得諸偶
者云何不等耶願佛天中天普為說
之佛告阿難有人奉佛從明師受戒
不失精進奉行所受朝暮禮拜恭敬
燃燈齋戒不厭心常歡欣善神擁護
所向諧偶百事增倍為天龍鬼神眾
人所敬後必得道是善男子善女人
真佛弟子也有人事佛不值善師不
見經教信意不堅亦有戒名違犯正
律既無形像亦不燒香然明作札恒
懷瞋恚惡口罵詈六齋不持煞生趣
手不敬佛經持著雜物弊篋之中或
著妻子牀上不淨之處或持掛壁無
有牀坐棚閣與世書無異若有疾病
了不念佛便呼巫師卜問祠祀請乞
邪神天神離遠不得善護故魅日進
惡鬼七門令之衰耗所向不諧現世
罪人非佛弟子死入泥犁百毒掠治
魂神痛酷不可得言愚人憂營不能

佛說阿難問事佛吉凶經 第二緣思

自思先行無功還然天地責聖咎天
迷謬乃尔甚為愚癡遂為三塗所見
綴縛夫人得道皆從善生經戒自御
心身口善為大鎧不畏刀兵善為大
船得渡河洲有能守信室內和安現
世有慶福退自然行之得報非神授
與若人不信不持經戒後生轉劇善
惡逐人如影追形勿作狐疑自墮惡
道求脫良難諦信不犯所在常安佛
語至誠終不欺人佛世難值人身難
獲汝今侍佛宿福之大當念報恩班
宣法教廣為福田行之得度所適无
憂阿難復白佛言人不自手煞教人
煞者其罪云何為無罪耶佛言阿難
教人煞者重於自然何以故或是奴
婢下賤之人作無煞意或為王者縣
官所見逼促不自意出為之所使教
人煞者而知故犯陰謀殘害復罪他
人欺罔三尊還負自然其罪莫大怨
對相報世世受殃未有斷絕現世不
安死入地獄受毒痛裂從地獄出為
畜生屠割皮骨以肉償人皆由前世
殘煞暴逆剋賊眾生陰謀懷害无有

佛說阿難問事佛吉凶經 第三緣思

慈心見人煞者代其歡喜以用快意
過於自然罪深如是
阿難復白佛言世間人及佛弟子輕
易其師惡意向師并道德人者其罪
云何佛言阿難夫為人者當愛樂人
德欣樂人善不可嫉之惡意向師道
德人者是惡意向佛無異也寧持萬
石弩還自射身為痛不阿難言甚痛
甚痛世尊佛言人持惡意向道德人
與其師者痛劇弩射身也為人弟子
不可輕慢其師惡意向道德之人道
德之人當視之如佛不可嫉謗人有
戒德者感動諸天龍鬼神莫不敬尊
寧身投火中利刀割肉慎勿得嫉謗
是善之人其罪不小慎之慎之
阿難復白佛言師者為可得呵喝弟
子以小罪成大得無罪耶佛言不可
不可師弟之義義感自然當相信厚
視彼若己已所不行勿施於人弘崇
禮律訓之以道和順忠節不相怨訟
弟子與師一義真誠師當如師弟子
當如弟子勿相誹謗慎莫含毒小怨
成大還自燒身觀世惡人魔比丘輩

佛說阿難問事佛吉凶經 第四品 上
師不如師弟子非如弟子但共為惡
不念行道沮壞善者貪慕俗業不計
无常積財自喪死墮惡趣餓鬼畜生
未嘗有是相視若牛於世何求念報
佛恩當持經戒相率以道道不可不
學經不可不讀善不可不行行善布
德濟神離苦超出生死見賢勿慢見
善勿謗不以小過證人大罪違法失
理其罪莫大罪福有證可畏可畏何
難復白佛言末世弟子生是魔界多
有因緣有居家之求身口之累云何
行之佛言為佛弟子雖有因緣持戒
勿犯誠信畏慎敬歸三尊孝事二親
內外謹善不念誑佞心口相應善權
方便進退知時一得作世間事不得
為世間意阿難白佛何謂世間事何
謂世間意佛言為佛弟子可得估販
利業平斗秤尺施行以理不得阿正
巧欺以侵於人葬送移徙皆姻婭娶
是為世間事也世間意者為佛弟子
不得卜問請符呪魔恠祠祀解奏畏
忌不吉受佛五戒者是福德之人無
所畏避有所施行當習三尊無往不

佛說阿難問事佛吉凶經 第五品 上
吉戒德之人道護為強諸天龍鬼神
無不敬伏戒貴則尊所往常安不達
之者自作郭礙善惡由心禍福由人
如影追形如響隨聲天無不覆地无
不載戒行之德福應自然天神擁護
感動十方與天參德功勳巍巍眾聖
嘆歎難可稱量智士達命沒身不邪
善知佛教可得度世之道阿難聞佛
所說便整袈裟頭腦著地唯然世尊
我等有福得近如來耳食法味普思
慈大愍念一切為興福田今得脫苦
佛語至誠而信者少是世多惡眾生
相誑多信鬼神背正向邪天堂皆空
地獄塞滿甚可痛哉若有信者或一
若兩奈何世間乃當如此佛滅度後
經法獨存少有行者人民轉偽漸銷
淪替將衰滅矣嗚呼痛哉復何恃怙
唯願世尊為諸晚學留神顯化未可
般泥洹阿難因進頌曰
佛為三界護恩廣普慈大願為晚學類
未可取泥洹痛矣未達者普普不別真
法鼓震三千云何不得聞世濁諸惡人
自還墮顛倒不信世有佛自作眾罪卒

佛說阿難問事佛吉凶經 第六品 思
命盡往地獄刀劍解其身祠祀好煞生
鑊湯涌其中煙火抱銅柱大火相燒然
誹謗清高士鐵鈎拔其舌亂酒無禮節
洋銅液其口若生還作人癡騃無義方
不慈得長壽无病常康強不盜後大富
錢財恒自饒不姪香淨潔身體鮮芬芬
至誠不欺詐為人所信承不醉得聰明
眾人所尊敬五福超法出天人同儔類
所生億万倍真諦甚分明癡愚不別道
敵聖毀正覺死入無擇獄頭戴鐵輪
求死不得死須臾已變形矛戟相貫刺
軀體相殘截矇矓不達事惡惡相牽拘
展轉索徒趣禽獸六畜形為人所屠割
以肉償宿怨無道墮惡道求脫甚為難
人身既難得佛法難得聞世尊為眾祐
安住之特尊敷遺甘露法晚學普奉行
復我現深慧愍念群生故開悟亦道地
行者得度脫福人在向向見諦樂不生
自歸安仁聖殖種不死路恩慈无過佛
神妙現威光願使一切人得服甘露漿
慧船到彼岸法馨偈三千彼我无我想
眾祐轉法輪我等蒙嘉慶得捨十二緣
歡喜稽首拜自歸取無上

佛說阿難問事佛吉凶經 第七卷 思 殊

阿難稽首頌已諸會大眾得不迴還
心意開解僧那大鎧志无上道甘露
之音香熏十方示現道地為作橋梁
國王臣民天龍鬼神聞佛所說阿難
所頌且悲且感且歎且喜稽首佛足
及礼阿難受教而去

佛說阿難問事佛吉凶經

癸卯歲高麗國大藏都監奉

勅彫造

佛說阿難問事佛吉凶經

校勘記

一 底本，麗藏本。

一 此經與宋資福藏本、宋磧砂藏本、
元普寧藏本、明永樂南藏本、明徑
山藏本、清藏本大異，今以清藏本
作為別本載錄於後，並校以

磧、普、南、徑。